

IZJAVA AMBASADORA UPRAVNOG ODBORA VIJEĆA ZA PROVEDBU MIRA

Peace Implementation Council

Steering Board Ambassadors

Na sastanku održanom danas u Sarajevu, ambasadori Upravnog odbora Vijeća za provedbu mira osudili su eskalaciju neodgovornih i huškačkih izjava kojima smo bili svjedoci u prošloj sedmici. Ova vrsta retorike i aktivnosti koje dijele ljude i podrivaju povjerenje među pripadnicima različitih naroda, te dalje polariziraju političku atmosferu, kontraproduktivno je za put BiH prema Evropi i šteti interesima njenih građana.

Riječi i djela političkih lidera, posebno onih koji su se po prirodi dužnosti koju obavljaju zakleli da će štititi Ustav i podržavati Dejtonski mirovni sporazum, imaju posebnu težinu na lokalnom, regionalnom i međunarodnom nivou. Ambasadori Upravnog odbora, stoga, koriste priliku da još jednom podsjetite ove političke lidere na njihove važne obaveze i podsjećaju da Vijeće za provedbu mira i postoji kako bi osiguralo potpuno poštivanje Mirovnog sporazuma.

U tom svjetlu, ambasadori Upravnog odbora su podvukli još jednom da je BiH međunarodno priznata i suverena država čiji teritorijalni integritet je zagarantiran međunarodnim pravom, uključujući i Dejtonski mirovni sporazum, prema kome se BiH sastoji od dva entiteta. Izjave i aktivnosti koje podrivaju osnovne postavke Dejtonskog mirovnog sporazuma u bilo koju svrhu neprihvatljive su i prema ovom sporazumu razdruživanje nije moguće.